

2013 წლის 16 სექტემბერი

ქ. თბილისი

ერთი მხრივ, სსიპ – ილიას სახელმწიფო უნივერსიტეტი (მისამართი: ქ. თბილისი, ჩოლოყაშვილის № 3-5) წარმოდგენილი ადმინისტრაციის ხელმძღვანელის ზურაბ ჯავახიშვილის სახით (შემდგომში წოდებული "შემსყიდველად") და მეორეს მხრივ შპს „ინსტა“ (მის: ქ.თბილისი, ზაქარიაძის №8) წარმოდგენილი დირექტორის გიორგი ბახსოლიანის სახით (შემდგომში წოდებული "მიმწოდებლად") ვდებთ ხელშეკრულებას შემდეგზე:

1. ხელშეკრულების საგანი

1.1. მიმწოდებელი გადასცემს შემსყიდველს საკუთრებაში ამ ხელშეკრულების 1.2. პუნქტში მითითებულ საქონელს ამ ხელშეკრულებით გათვალისწინებულ ვადებში, ხოლო შემსყიდველი იღებს აღნიშნულ საქონელს და ვალდებულია დროულად, ამ ხელშეკრულების პირობების შესაბამისად გადაიხადოს მისი საფასური.

1.2. მიწოდების საგანია (შემდგომში "საქონლად" წოდებული):

1.2.1 საკაბელო არხი 101 x 50 ფურნიტურისთვის – 6 – მეტრი – (CPV44322300).

1.2.2 საკაბელო არხის ფურნიტურის 3მეტრიანი ჩარჩო 45x45 – 4 – ცალი – (CPV44322300).

2. ხელშეკრულების მოქმედების ვადები

2.1. ხელშეკრულება ძალაში შედის მხარეთა მხრიდან მისი ხელმოწერისთანავე და მოქმედებს 2013 წლის 30 ნოემბრამდე.

3. საქონლის მიწოდების წესი და ადგილი

3.1. საქონლის მიწოდების ვადა არაუგვიანეს 2013 წლის 20 სექტემბრისა .

3.2 საქონლის მიწოდების ადგილია ილიას სახელმწიფო უნივერსიტეტის დედამიწის შემსწავლელ მეცნიერებათა ინსტიტუტი. (ქ.თბილისი, ნუგუზიძის ქ. 77).

4. მხარეთა ვალდებულებები

4.1. მიმწოდებლის ვალდებულებები:

4.1.1. მიმწოდებელი ვალდებულია გადასცეს შემსყიდველს ამ ხელშეკრულების პირველ პუნქტში მითითებული ნივთობრივად და უფლებრივად უნაკლო საქონელი.

4.1.2. მიმწოდებლის ვალდებულება საქონლის გადაცემაზე ითვლება შესრულებულად შემსყიდველისათვის საქონლის გადაცემის მომენტიდან. საქონლის გადაცემასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი;

4.1.3. თუკი ხელშეკრულების პირველი მუხლით გათვალისწინებულ საქონელს აღმოაჩნდება რაიმე ნაკლი მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი ან შეცვალოს ნივთი თავისი ხარჯით.

4.2. შემსყიდველის ვალდებულებები:

4.2.1. შემსყიდველი ვალდებულია მიიღოს საქონელი და გადაიხადოს მისი ფასი ამ ხელშეკრულებით გათვალისწინებული პირობებით;

4.2.2. მიმწოდებლისაგან საქონლის მიღებისას შემსყიდველი ვალდებულია შეამოწმოს მისი დასახელების, რაოდენობის და ხარისხის შესაბამისობა ამ ხელშეკრულების პირველი მუხლით შეთანხმებულ საქონელთან. საქონლის მიღების შედეგების მიხედვით მხარეები ადგენენ საქონლის მიღება-ჩაბარების აქტს და ხელს აწერენ მას.

4.2.3. შემსყიდველი ვალდებულია აუნაზღაუროს მიმწოდებელს მიღებული საქონლის ღირებულება მისი, ამ ხელშეკრულებით დადგენილი წესით, მიღებიდან 30 სამუშაო დღის განმავლობაში.

5. ფასი და ანგარიშსწორების წესი

5.1. ხელშეკრულების 1.2. პუნქტში მითითებული საქონლის ერთეული ღირებულებაა:

5.1.1 საკაბელო არხი 101 x 50 ფურნიტურისთვის – 1 – მეტრი- 15.20 (თხუთმეტი ლარი და 20 თეთრი).

5.1.2 საკაბელო არხის ფურნიტურის 3მეტრი-ანი ჩარჩო 45x45 – 1 – ცალი- 4.40 (ოთხი ლარი და 40 თეთრი).

5.2. ხელშეკრულების ჯამური ღირებულებაა: 108.80(ას ოცა ლარი და 80 თეთრი).

5.3. საქონლის საფასურის გადახდა ხდება უნაღდო ანგარიშსწორების წესით, საქონლის მიღების და მიღება-ჩაბარების აქტის გაფორმებიდან 30 სამუშაო დღის განმავლობაში.

6. კონტროლი ხელშეკრულების შესრულებაზე

6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება ევალება დედამიწის შემსწავლელ მეცნიერებათა ინსტიტუტის შემსყიდველის ვასილ ჭიჭაღუას (01024040100).

7. შესყიდვის საგნის მიღება-ჩაბარების წესი

7.1. შესყიდვის საგანი ჩაითვლება მიღებულად მას შემდეგ, რაც შემსყიდველის მიერ გამოყოფილი პირები სასაქონლო ზედანდებზე და მიღება-ჩაბარების აქტზე ხელმოწერით დაადასტურებენ მის მიღებას.

7.2 სასაქონლო ზედნადებზე და მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს: დედამიწის შემსწავლელ მეცნიერებათა ინსტიტუტის შემსყიდველის ვასილ ჭიჭალუას (01024040100).

8. ხელშეკრულების შეწყვეტა

8.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება საქონლის ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულების პირობების გადასინჯვის წესი

10.1. ხელშეკრულების მოქმედების პერიოდში დაუშვებელია მისი ღირებულების პარამეტრების შეცვლა, გარდა საქართველოს სამოქალაქო კოდექსის 398-ე მუხლით გათვალისწინებულ შემთხვევისა.

10.2 ამ ხელშეკრულების 10.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

10.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

10.4 წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 10.1, 10.2. და 10.3. პუნქტებით განსაზღვრული შემთხვევებისა.

11. ფორს-მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებით.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

11.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულებაში ცვლილებებისა და დამატებების შეტანის წესი.

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩათვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შემდეგის დაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი – შემსყიდველს, ერთი – მიმწოდებელს).

მხარეთა რეკვიზიტები:

შემსყიდველი:

სსიპ "ილიას სახელმწიფო უნივერსიტეტი"
მის: ჩოლოყაშვილის № 3/5
ს/კ: 204861970
სახელმწიფო ხაზინა
0225

მიმწოდებელი:

შპს „ინსტა“
მის: ქ. თბილისი ზაქარიაძის №8
ს/კ: 202057264
სს „ბანკი რესპუბლიკა“
ბანკის კოდი: 220101757
ა/ა GE51BR00 0000 0036082919

ზურაბ ჯავახიშვილი

ადმინისტრაციის ხელმძღვანელი



გიორგი ბახსოლიანი

დირექტორი



38